



# Guánar Séta (Dowry Abuse)

## Guánar-taaluki maramari yá duk diya óilde ek kisím ór bútoror arde fémlir maramari.

Guánar rosóm ókkol dec ókkol arde solasol ókkol ór uore alok-alok óifare.

'Guána' óilde uggwá rosóm thiañ, cómborti yá hádiya ókkol ziín maiya fuar fémlir torfóttu aám hísafe háwala goráza íbar zamia hañsé biyár thaim ot mazé. Ibá nizebaze guána estemal gorá uggwá zalafurar cokól noó.

Zehonó mojburi, maramari yá dukdiya ham ziyán zehonó thaim ot guána diya yá luwa loi taaluk asé, giyóide thaim ot yá biyár thaim ot yá biyár baade íin óilde ek kisím ór zalafura. Guána-taaluki zalafurat aám hísafe cámil aséde dabi gorá ókkol ki dé guána diya noóza ar mojburit aró thiañ maga yá maiya fua uggwáttu ar durór fémlir'ttu hádiya maga.

Góror bútoror arde fémlir maramari ókkol Australíar kaanun ot jurúm ókkol. Jurúm goijjé manúic uggwá ziyól ot zait fare, tará uggwá manúic yá maiya fua óuk.

Zodi tuñí yá tuñí zanodé honíkka hótarat ó folic oré **000** ót koól goró.

Australíat aséde fulic ókkol héfazot ola ar bórusa gorí fare.

Maana, gufoniya mocuwara'lla arde maalumát ollá 1800RESPECT ót koól goró **1800 737 732** ót.

Zodi tuáñrtu maana hotá báñgidouya uggwá lage **131 450** 't koól goró.

## Australian Government é guána-taaluki maramari yá dukdiya ré honó háalot ot bordac no goríbou.

Australian Government e fémlir maramarir mosólla ré lo, éçe guána-taaluki maramari arde dukdiya cámil asé, bicí dorógori. Australíar manúic beggún óttu maramari, dhor yá mojburi sára tákibellá hók asé tarár dórho ar solasol pretís arde biccác ókkol óre forók nogorí.

Guána-taaluki maramari arde dukdiyat solasol yá dómki ókkol cámil asé ziyá é pathnár uggwá ré kontróul goribélla yá tarár fémlir ré dhor lagai yá tarár héfazot óre dómki dibélla ereda goré.

## Zodi tuñí vízar uore táko tuñí aijó modot faiba.

Somájit aséde pathnár, fémlir membór ókkol yá oinno manúic uggwá yé tuáñr vízar háalot or uore tuáñre dómki di nofaríbóu.

Zodi tuñí tooitta Pathnár víza uggwá dóri táko (sábklass 309 yá 820) yá Mumkin óitfarede Cádi víza (sábklass 300) ar guána taaluk aséde fémlir maramari torjuba ó, Australíar híjoroti kaanun ókkol ót fémlir maramari modot ókkol asé tuáñr dáaiman Pathnár vízar dorhás loi zari tákibellá (sábklass 100 yá 801) ejažot de.

## Honíkka ré bolazuri biyá dibellá guána estemal gorá nozaibóu.

Zodi manúic uggwá ré bolazuri biyá dibellá guána uggwá estemal goráza tar fura azadi rezamondi sára, yían bolazuri gorá giyéde biyá óitfare.

Australíat máze, basí loibellá fottízon óttu azadi asé zodi, honnwá, ar hoóñtte tará biyágoré. Yían Australíar kaanun or uldha bolazuri goribélla, dómki dibellá yá hónníka ré dúkadi biyá goribélla. Yían aró kaanun or uldha bol dibella yá bolazuri biyá uggwá entezam goitté modot goribélla, ar bolazuri biyát máze híssa loi bellá zodi tuñí cikari noó. Yían kaanuni, solasol arde dórmor biyá ókkol ót lagaza.

## Australíat solasol loi naazuk asé hédmot ókkol asé ziyán é modot gorífare.

**1800RESPECT** óilde Australíar koumi jíns ór dóradóri, fémlí arde górwali maramari mocowarar hédmot (Australia's national sexual assault, family and domestic violence counselling service). Yían é maana gufoniya telifún arde onláin mocuwara ar maalamat de. Mocuwara douya ókkol é tuáñr hotá fúnibou ar súal ókkol ór zuab ókkol dibou ar tuáñr nizor zagat aséde oinno hédmotor hañse tuáñre háwala gorí faribóu.

**1800 737 732** ót koól goró yá **1800RESPECT** wébsáith zo **www.1800RESPECT.org.au** ot.

**My Blue Sky** óilde Australíar koumi wébsáith ar modot or lain zibá ré bolazuri biyágorá rukóon, maalamat, háwala gorá ókkol arde maana kaanuni mocuwara'lla háas gorágiye.

**(02) 9514 8115** ót koól goró, **0481 070 844** ót text goró, eméil **help@mybluesky.org.au**, yá **My Blue Sky** wébsáith ot zo **www.mybluesky.org.au** ot.

Fémlir maramari arde vízar baabote aró maalamat ollá, bolazuri biyágorá arde insáni blékgorár baabote **Department of Home Affairs** wébsáith ót asé **www.homeaffairs.gov.au** ot ar “bolazuri biá” (“forced marriage”) lla tuwo.

## Tuáñrtu hotá báñgidouya uggwá lager né?

**Torjuma arde Hotá báñgidiyar Hédmot (Translating and Interpreting Service)** ot koól goró (TIS) **131 450** nombór ót. TIS óttu hotá báñgidouya ekzon e tuáñre modot gorí faribóu oinno hédmot ókkol lói taaluk goribélla, mogor TIS é mocuwara diya nogoré. Koól beggún maana ar gufoniya.